



**Hortulus Biblico-Moralis Et Asceticus**

**Pappus von Tratzberg, Franz**

**Ulm, 1725**

Doctrina 2. Desumpta ex cap. 18. 19. & 20. lib. 1. Regum, in quibus  
describitur Jonathæ erga Davidem benevolentia. Saulis odium & invidia,  
liberatio Davidis à nece. Iracundia Saulis in Davidem, ...

---

[urn:nbn:de:hbz:466:1-61252](https://nbn-resolving.de/urn:nbn:de:hbz:466:1-61252)

## Doctrina 2.

*Desumpta ex cap. 18. 19. & 20. lib. I. Regum, in quibus describitur Jonathae erga Davidem benevolentia. Saulis odium & invidia, liberatio Davidis à nece. Iracundia Saulis in Davidem, ejusque fuga & Abimelech.*

*Considera 1.* **F**Actum illud, quod Davidem inter & Jonathan contin-  
git, fuisse clarissimam amoris Christi erga homines,  
& quidem gravissimos peccatores figuram. *Exspoliavit se Jonathas tunicā,*  
*ait S. textus cap. 18. v. 3. quā erat induitus, & dedit eam David &c.* Haud  
aliter Christus in crucem agendus suā tunicā inconsutili exui voluit,  
ut eam impertiretur hominibus, & quidem pestimis, denotans per  
hoc nullas dari animas adeò impias & rebelles, quibus sanguinis  
sui pretium noluerit comunicari; *Sacratissimam enim vestem, omnibus Regum ornamenti longè præstantiorem,* nec charissimo suo Jo-  
anni, nec virgineæ suæ matri, nec Cyrenæo de se optimè me-  
rito obtulit, sed crudelissimis Lictoribus & carnificibus reliquit. Qua-  
rè Christiane peccator! verbis S. Chrysostomi de Chananaea te allo-  
quot: *noli, inquiens, mihi dicere, perii: quid mihi restat? noli dicere, pec-  
cavi, quid faciam? medicum habes, qui potest, & vult sanare.* Imò alterum  
Jonathan habes, qui propriā voluit exui tunicā, ut tu ad summam  
animæ tue gloriā Immortalitatis beatæ stolæ vestiaris: atque hinc  
Blosius part. 2. c. 1. testatur: Christum B. Catharinæ Senensi. apparen-  
tem, dixisse: se à peccatoribus in extrema mortis lucta desperantibus  
gravius offendit, & illō peccatō sibi magis esse injurios, quam reli-  
quis omnibus, per vitam commissis: desperantem enim aperte con-  
temnere infinitam Misericordiam &c.

Porro sicut insigne Amoris indicium hic dederat Jonathas filius  
Saulis, erga Davidem tam liberalis & beneficus existens, ita infame  
dedit indicium extremæ invidiæ Saul Jonathæ Pater, Davidem de  
Goliath triumphantem, & hac de causa omnium ore laudatum, va-  
riis persequendō modis, est herile invidus homo simillimus Heli sa-  
cerdoti de Silo, non valenti lucernam intueri nisi extinctam,  
& suo lunine destitutam, est pariter simillimus serpentibus  
Indiæ, qui aromaticas arbores, dum maximè florent, corro-  
dere nituntur. *Horribile est odium Invidiæ,* afferit S. Thomas Do-  
ctor Angel. in Genes. c. 37. *quia omnia motiva amoris precipit*  
*summè*

summè vertit in oppositum: accipit enim ut sibi contrariissima, que amantissima sunt. Hinc Christiane, cane pejus fugias caninam invidiam. Aut si ab aliis cogaris invidiam cum Davide perpeti, exemplum divinæ Prudentiæ in ipso respicias, quod tibi solatio sit. Cerne enim, quām gravibus periculis, ab invidia contra illum excitatis, hīc eruptus sit, nunc defensus à Jonatha, nunc depositus per fenestram à Michol filia Saul, statuam ejus in lecto ponente.

N. 254. Considera 2. Quām effrenis & stolida passio sit iracundia, ut hominem sibi deditum non tantū in exteris & inimicos faciat crudelē, sed etiam in propinquos, amicos & benefactores. Erat David Saulis fulcrum, ejus contra hostes forte præsidium, contra Dæmonem scutum, quin & gener ipsius: & tamen stimulante iracundiâ mortem ei continuò machinabatur. Optimè ergo S. Basilius homil. de ira, passionem hanc *vocat momentaneam quandam insaniam*. Non enim sic fumus impedit oculos à visu rerum illarum, quæ pedibus adjacent, sicut iracundia rationem offuscat, ut considerare nequeat, quid rerum circa se agatur. Et sicut nullus solis apparet radius, quando commota nubes Cœlum quaquaversum occupant, nec fons turbatus insipientis reddit imaginem, quam tamen tranquillus ostendit, ita homo irā abruptus, omni Rationis Luce usque caret. Hinc Prisco Catoni proverbium fuit: *iratum ab insano nonnisi tempore distare*. Epicurus quoque de effectibus iræ quæsitus teste Seneca Epist. 18. responso dedit: *immodica ira insaniam gignit*. Lubeat etiam quasdam audire pœnas, quas per iracundiam merentur tales insani. Apocalypseos 12. venit Diabolus habens iram magnam, sed sese vidit projectum esse de Cœlo in terram. Holofernes Judith. 5. intelligens: filios Israël sumptis armis sese ei opposituros, nimiō furore exarsit, sed capite per manum Judith minutus, iram hanc satiis luit. Amor contra Hebræos iracundiâ inflammatus, pœnam dedit, ex patibulo suspensus. Esther 3. Herodes Rex, videns se à Magis delusum, iratus: jussit interfici omnes pueros in Bethlehem abimatu & infrà, sed miserrimè interiit. Matth. 2. O Christiane Lector! nonne səpiùs contingit: te quoque insanire irascendō, si vel levī verbō non dicam verbere offendaris? an nescis: *virum stultum interfici ab ira?* planè sicut vespa irritata non tantum in homines, sed etiam in saxa & parietes cæcō modō impingens, non his, sed sibi ipsi nocumento est, dum perdit aculeum, quō armatur: *sic tu cæcam passionem secutus, dum aliis damnum inten-*  
tas,

tas, tibi ipsi damno es. Et licet non habeas Deum irae tuæ vindicem, ut habere illi, quos paulo ante memoraveram, habebis saltem ipsam passionem tui carnificem. Noverat hoc S. Ephrem, à natura iracundiæ nimium deditus, & hinc eam adeò temperare studuit, ut cum semel ejus socius fregisset ollam, & cibos omnes effudisset, ne quidquam inde motus: bono sis animo, dixit, ad cibum usque eamus, cum ipse ad nos non venerit, sicque olla fractæ assidens sumpsit prandium. Sozomen. lib. 3. hist. Eccles.

### Doctrina 3.

*Desumpta ex cap. 21. 22. & 23. lib. I. Regum, in quibus describitur Davidis & sociorum resectio per panes Propositionum. Fuga ab Achie, recessus in Odollam. Mansio in silva, & amica ejus visitatio per Jonatham.*

*Considera I.* **S**i in Davide, in sociis vel servis ejus Panes Propositionum manducaturus, tanta corporum Castitas & continencia fuerit requisita: ut Abimelech Sacerdos famelicis Panes istos penitus denegasset, nisi illico audiisset, eos à mulierum commercio mundos, cælibem egisse noctem; quanta corporum castitas exigatur ab illis, qui ipsum Domini corpus virgineum sunt sumpturi? non absque speciali Mysterio Deus florere voluit Virgam in electione Aarons in Sacerdotem: quia teste Orig. homil. 21. in lib. Num. illius tantum est offerre, & sumere Sacrificium indegnus, qui indegnenti ac florida se devoverit castitati. Habet quidem materialis ille syderum Rector Phæbus: ut lutea pertransiens loca, nullas contrahat maculas; sed æternus Justitiae Sol, in incruento Altaris Sacrificio offerendus, & sumendum conqueritur quandoque per Prophetam Ezechielem cap. 12. Sacerdotes polluerunt Sanctuaria, & inquinabar in medio eorum. Aaron cum filiis suis Altare Sacrum accessurus jussu Dei fæmoralibus succingi debuit, certò moriturus in poenam, nî ceremoniæ huic habuisset morem Exodi 18. hoc Decretum Dei utilissimâ indagine perscrutans S. Bruno: postquam vestes istas, continentia Sacerdotalis symbolum esse agnovit, tandem conclusit lib. de ornament. Eccles. cap. 9. valde timendum est, ne forte moriantur. Si non vis mori, aut Castitatem custodi, aut Altare non accede. Hinc est; quod nos servi Salomonis inter cetera Eboris pulchritudi-

Y y

tudi-